

Aningaasaqarnermut Ataatsimiititaliap suliaq nr. 01.31.06/08-00331 pillugu pingasunngornermi ulloq 14. maj 2008 aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 9. maj 2008-mi aalajangiinera nr. 293)

Aluminiumik suliniummut ilassutitut aningaasaliissuteqarnissaq

Naalakkersuisut inassutigaaat,

- kontomi pingaarnermi 62.05.12-imi, Aluminiumik suliniummut tunngasumi, aningaasaliissutit 74.000.000 kr.-nik amerlineqassasut,
- kontomi pingaarnermi 33.01.13-imi, Periusissatut Avatagiisinik Naliliinermut tunngasumi (SMV), aningaasaliissutit kr. 1.500.000 koruuninik amerlineqassasut,
- kontomi pingaarnermi 33.01.014-imi, Avatangiisinut Pinngortitanullu Pisortaqaqarnermut tunngasumi, aningaasaliissutit kr. 500.000 koruuninik amerlineqassasut, aamma
- 2008-mi ilassutitut aningaasaliissutinut inatsimmut oqaasertaliussaq akuerineqassasooq.

Aningaasaqarnermut Ataatsimiititaliap oqaaseqaatai

Nunatsinni aluminiumik aatsitsiviliorsinnaaneq pillugu Inatsisartut ataatsimiititaliarigallagaata inassuteqaatitut saqqummiussai arlallit UPA 08/83-imi suliarinninnermi Inatsisartunit ulloq 7. maj 2008-mi akuersissutigineqarput. Taamaalillutillu Inatsisartut ilaatigut una akuersissutigaaat:

¿2008-mi sumiiffimmi misissuinissanut il.il. atugassanik 76 mio. kr.-it missaannik ilassutitut aningaasaliissuteqartoqarnissaanik Naalakkersuisut Aningaasaqarnermut Ataatsimiititaliamut qinnuteqassasut,¿

Tamanna tunngavigalugu aningaasaliissuteqarnissamik qinnuteqaat una saqqummiunneqarpoq. Ataatsimiititaliaagallartup inassuteqaataa una Inatsisartunit aamma akuersissutigineqarpoq:

¿Immikkut akuersissuteqarfigineqarluni piginnittuusinnaaneq peqatigiilluni piginnit-tuusinnaanermut periarfissamut naligitillugu misissorneqarlunilu isumaqatigiinniuti-gineqassasooq, taamaalillugu qularnaarniarlugu periarfissat naligiit marluk akornanni toqqaanissaminnut Inatsisartut piviusumik periarfissinneqarnissaat, aamma periarfis-sat arlaannik toqqaaneq suliniutip kinguaattorneranik kinguneqartussaajunnaarlugu..¿

Tassunga atatillugu ataatsimiititaliaagallartoq imm. 83-imut isumaliutissiisummini ilaatigut ima allappoq: *¿Aalajangiiffigisassatut siunnersuummik matuminnga Inatsisartut akuersinerat taamatuttaa aamma 2008-mi sumiiffinni misissuinissanut il.il. 76 mio. kr.-it missaannik ilassutitut aningaasaliissuteqarnissamut Aningaasaqarnermut Ataatsimiititaliap Naalakkersuisunit qinnuteqarfigineqarnissaannut tunngavissatut pisariaqartutut isigineqarpoq. Taamatuttaa siunnersuut akuersissutigineqassappat naatsorsuutigineqartariaqarpoq 2009-mut aningaasanut inatsisissatut siunnersuummi, naatsorsuutigineqartutut 2008-mi aggustip aallartilaarnerani saqqummiunneqartussami, suliniummut 375 mio. kr.-it missaannik suli immikkoortitsisoqassasooq. Piginneriaatsip sorliup toqqaarneqarnera apeqqutaalluni aamma Alcoa Inc. Immikkut isumaqatigiissuteqarfigalugu aningaasat tamatumani pineqartut tamakkiisumik ilaannaalluunniit inger-latseqatigiiffimmi Namminersornerullutik Oqartussat piginneqataassutaasa ilaattut atorneqarsinnaapput Alcoa Inc.-milluunniit utertinneqarsinnaassallutik. Aluminiumik aatsitsiviliorinissamik pilersaarut taamaatiinnarneqartariaqalissagaluarpat aningaasaliissutit pineqartut annaaneqartutut isigineqartariaqassapput. Taamatulli pisoqassappat aanaasaqaatit taakku ilaat uterteqqinneqarsinnaassapput Kalaallit Nunaata qeqqani erngup nukinganik iluaquteqarniarnissaq eqqarsaatigalugu suliniutinik allanik aallartitsisoqassagaluarpat.*

¿

Immikkut akuersissuteqarfigineqarneq Inatsisartunit toqqaarneqassappat sumiiffimmi misissuinissanut suliniutillu ineriartortinneqarneranut Nunatta Karsiata 2008-mi 2009-milu aningaasartuutaasa ilaat Alcoamit utertinneqartussaassapput. Erseqqinnerusumik oqaatigalugu 2008-mi aningaasaliissutit 76 mio. kr.-it ilaat 64 mio.-it utertinneqassapput. Immikkut akuersissuteqarfigineqarnerup atorneqarnissaa Inatsisartunit toqqaarneqassappat 2009 misissueqqinnissamut 500 mio. kr.-inik aningaasaliissuteqarnissaq pisariaqassanngilaq, aningaasartuutit taakku Alcoamit akilerneqartussaassammata.¿

Siuliani allassimasut tunngavigalugit immikkut akuersissuteqarnissaq Inatsisartunit aalajangiunneqassagaluarpat Aningaasaqarnermut Ataatsimiititaliap paasinninnera malillugu aningaasat aningaasaliissuteqarnissamik qinnuteqaammi matumani pineqartut ilaat annertuut landskarsimut utertinneqassapput. Tamanna iluarisimaarlugu ataatsimiititaliamit tusaatissatut tiguneqarpoq. Tamatuma saniatigut oqaasertaliussassatut nutaatut Naalakkersuisut siunnersuutigisaat matuma kinguliani issuaavigineqartoq ataatsimiititaliamit maluginiarneqarpoq:

¿Konto pingarneq 62.05.12-imut, Alumiiniumik suliniut

Kontonut pingaarnernut allanut, taakkununnga ilaallutik kontot pingaarnertit nutaat kontomit pingaarnernit 62.05.12-imit, Alumiiniumik suliniummik nuussuinissaminut Naalakkersuisut piginnaatinneqassappat. Allaatigisatut ilanngussamut oqaaseqaatit.

Kontomi pingaarnerni 62.05.12-imi, Alumiiniumik suliniummi aningaasaliissutit 2008-mi suliniutip ineriartortinnissaanut Namminersornerullutik Oqartussat aningaasartuutaanik ilaqarput. Suliniutit missingersuusiataut ilanngussami nassuiarneqarput.

2008-p ingerlanerani suliniutit nassuiarneri peqqissaartumik sanarfineqaqqissapput. Kingornatigut kontonut pingaarnernut allanut, taakkununnga ilaallutik kontot pingaarnertit nutaat kontomit pingaarnernit 62.05.12-imit, Alumiiniumik suliniummik suliniutit ilaannut tunngatillugu missingersuusiame nuussuinissaq tulluassaaq. Assersuutigalugu aningaasanut inatsimmi sanaartornissamut immikkoortup ataani sanaartugassatut suliniutinut aningaasaliissutit ilaasa nuunnissaat pisariaqarpoq. Tamatuma saniatigut kontonut pingaarnernut aningaasaliissutit ilaasa, namminersornerusut siunertanut assingusunut aningaasartuuteqarfigeriigaannut nuussuinissaq tulluarsinnaavoq.

Missingersuusiame ilassutigisame nalunaarsorneqartumit siunertanut allanut aningaasaliissutit atorneqarsinnaaneramik nuussuinerit nassataqassanngillat. Nuussuinerit aqutsinerup oqilisarnissaanik siunertaqarput, tamannalu ilutigalugu missingersuusiornermut naatsorsuusiornermullu namminersornerusut malittarisassaat naapertorlugit suliniutinut aningaasartuutit missingersuusiorneqarlutillu naatsorsuutinut allatorneqarnissaannik isumannaariniarput.¿

Piginnaatitsissutitut siunnersuutigineqartoq nalinginnaanngitsoq Aningaasaqarnermut Ataatsimiititaliamit oqaatigineqassaaq. Taamaattumillu oqaasertaliussap oqaasertaasa naleqqussarneqarnissaannik Naalakkersuisut Aningaasaqarnermut Ataatsimiititaliamit qinnuigineqassapput, taamaalillunilu allassimalerluni oqaasertaliussat atorneqaraangata tamatuma kingorna Aningaasaqarnermut Ataatsimiititaliaq ilisimatinneqartassasoq. Oqaasertaliussamik taama naleqqussaannissamut Aningaasaqarnermut Ataatsimiititaliap tapersiinera aalajangiinikkut matumuunakkut oqaatigineqartutut isigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinninneq naapertorlugi Naalakkersuisut inassuteqaataat Aningaasaqarnermut Ataatsimiititaliamit akuersissutigineqarput.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua